

U R E D B U
o izmjenama i dopunama Uredbe o dodjeli
sredstava za održivi povratak
(Službene novine Kantona Sarajevo broj 17/07)

Član 1.

U Uredbi o dodjeli sredstava za održivi povratak („Službene novine Kantona Sarajevo”, br. 17/03 i 27/04) član 2. mijenja se i glasi:

„Član 2.

Lica iz člana 1. i 2. Zakona o dopunskim pravima boraca – branitelja Bosne i Hercegovine („Službene novine Kantona Sarajevo”, br. 2/02, 28/03, 15/05, 22/05 i 17/06), (u daljnjem tekstu: Zakon), koja su imala status raseljenog lica, a ostvarila su povratak u mjesta u kojima su imali prebivalište, odnosno boravište prije početka agresije na Republiku Bosnu i Hercegovinu, imaju pravo na jednokratnu bespovratnu dodjelu sredstava za održivi povratak u mjesto predratnog prebivališta, pod uslovom da su prebivalište, odnosno boravište na području Kantona Sarajevo (u daljnjem tekstu: Kanton) imala i na dan 06.02.1999.godine.”

Član 2.

Član 7.mijenja se i glasi:

„Član 7.

Odluku o odobravanju novčanih sredstava za održivi povratak donosi ministar za boračka pitanja Kantona.

Na odluku iz predhodnog stava prigovor se može podnijeti Ministarstvu za boračka pitanja Kantona.”

Član 3.

U članu 8. tačka 2. mijenja se i glasi:

„2. Stručna služba Ministarstva za boračka pitanja Kantona obrađuje sve prispjele zahtjeve i priprema prijedlog odluke sa stručnim mišljenjem o opravdanosti zahtjeva;”

U članu 8. tačka 4. mijenja se i glasi:

„4. Nakon donošenja odluke o odobravanju novčanih sredstava za održivi povratak, poslovna banka zaključuje pojedinačni ugovor o dodjeli sredstava za održivi povratak sa licima kojima su sredstva odobrena;”

U članu 8. tačka 6. riječi: „ , a po nalazu komisije za utvrđivanje konkretne implementacije utrošenih sredstava na terenu”, brišu se.

Član 4.

U članu 10. riječi: „na prijedlog Kreditnog odbora”, brišu se.

Član 5.

Iza člana 10. dodaje se novi član 10.a koji glasi:

„Član 10.a

Izuzetno, za lica iz člana 1. i 2. Zakona a u skladu sa članom 34. Zakona, sredstva za održivi povratak mogu se namjenski odobriti i kroz Projekte održivog povratka kandidovane od strane povratničkih općina, institucija i udruženja čija je djelatnost povratak i njegova održivost, uz saglasnost Vlade Kantona.”

Član 6.

Iza člana 14. dodaje se novi član 14.a koji glasi:

„Član 14.a

Sve imenice koje se odnose na korisnike prava i nosioce funkcija po ovoj uredbi upotrebljene u muškom rodu, odnose se na oba spola.”

Član 7.

Ovlašćuje se Ured za zakonodavstvo Vlade Kantona da utvrdi prečišćeni tekst ove Uredbe.

Član 8.

Ova uredba stupa na snagu danom objavljivanja u „Službenim novinama Kantona Sarajevo”.